

性
情
集

性

理

學

二

詳校官中書臣孫衡

中書臣劉源溥覆勘

膳錄貢生臣王兆泰
膳錄監生臣李光緒

欽定四庫全書

性情集卷四

元 周巽 撰

七言古詩

姑蘇臺

吳山高吳水長烏啼霜楓落鹿遊煙草荒
百花洲在春無主曾見蛾眉花下舞祇憐西子捧心顰
那覺越王嘗膽苦山圍水繞闔閭城故國臺傾空有名子胥伏劍夫
差死悲風哀動寒潮聲

黃金臺

邊風動燕雲開千金買駿骨宛馬從東來金臺百尺空
中起樂毅趨燕從隗始高陵秦塞雲幾重俯拓齊城地
千里昭王已矣賢士亡黃金化土高臺荒白虹貫日天
蒼蒼易水波寒沙草黃

歌風臺

白蛇斷赤龍飛天開炎運成帝業雲捲蜚廉揚武威威
定四方歸故里酒酣擊筑歌聲起山河振動氣猶雄宇

宙廓清心自喜薰弦載撫韶音希幽雅又陳王化始河
流如帶誓猶存臺前虎嘯生荆杞

戲馬臺

睢水東彭城下西風殘照古臺荒楚項重瞳曾戲馬振
鬣長鳴聲捲河翻身一躍光騰波時危力盡將奈何騅
兮不逝空悲歌九日黃花秋霜晚長河東流去不返遙
憐霸業逐煙消賓雁南飛楚天遠

釣臺

金匱山房詩集 卷四
桐江上一絲風羊裘坐危石輕雪落寒空故人乘龍忽
相憶徵起終辭諫議職夜驚星動紫微垣曉見雲歸翠
蘿壁振衣獨立富春山魚鳥亦知心事閒清風高出雲
臺表遺迹長留山水間

銅雀臺

西陵樹曾是美人歌舞處腸斷君王死別時蛾眉憔悴
分香去奸雄心事有誰憐殘瓦空題漢代年銅雀春深
懸落日石麟秋冷卧荒煙鄴下興亡今又古烏號野樹

猿啼雨泉扃長夜鎖幽魂有酒誰澆臺下土

鳳凰臺

望佳氣臨高臺金烏初出海照見鳳凰來千年王氣久
消歇忽聽韶音動雙闌烏衣巷口烏鳴春白鷺洲頭潮
湧月雲中天樂下瑤京僊女乘鸞弄玉笙歌聲噦噦臺
前起散作春風花滿城

陪全尚書子仁馮高州子羽宴劉宏遠江樓子
仁大書先得月樓四字且歌以美之子羽作記

俾余賦詩即席奉呈

昔年李謫仙呼月醉南樓尚書今夕宴客有馮高州坐
邀劉顥清興發樓倚長江先得月玉簫吹徹彩雲留聲
引鳳凰來上闌八窻玲瓏風露寒秋高銀漢生微瀾團
光未離滄海角流彩已照虛簷端尚書特筆高州記飄
飄頗有凌雲氣毫翻雲藻玉蜍乾袖拂天香金粟墜醉
歌窈窕邀嫦娥滿目飛光感興多仙人騎鶴遙相過玉
壺瀲灩搖金波不醉如此良夜何吁嗟不醉如此良夜

何

轆轤

秋陽杲杲溪流竭井上轆轤聲不絕
銀河斜轉玉繩低
心苦惟憂稻田裂邊雁南來人未歸
蛾眉顰蹙筋力微
遶牀百丈哀音動樹攪西風梧葉飛
蟋蟀悲吟腸欲斷
薰葭露白秋將半田家祇望晚禾登
奈何今歲逢秋旱
君不見早晚班師舞干羽
皇天應降洗兵雨

梅花月下醉歌

酌酒芳樹下寒光照玉壺舉觴酬明月起舞鶴影孤清
夜恍惚逢仙姝丰姿綽約形容癯瑋瑩充耳雙明珠纖
腰雜佩青珊瑚邀我東遊見麻姑南昌仙人在坐隅盃
傾沆瀣酣芳液連日東風吹不蘇酒醒滿襟香露濕雪
花眩眼光糝糊欲與仙人借雙鳬朝遊羅浮暮西湖誰
能持將北斗勸何當吸取東海枯君不見醉倒樽前曙
光白不知此樂今有無

五言律

追和文山青原詩東陳村民寄謝禪林諸友

曉行金粟地袖拂綠蘿煙水出源頭活峰迴樹頂圓因
君寄高興來此洗塵緣唯有山中客猶書甲子年
昔人吟詠處醉草動春蛇岩石曾為供溪毛可薦茶荊
留千歲樹桂老九秋花欲結淵明社重來惠遠家

中秋對月有懷

涼夜金波動秋空玉鏡飛山河移素影霄漢出清輝照
席蟾蜍近傳書鴻雁稀更闌猶夢見天上看花歸

鏡裏秋容好
岩前爽氣佳
素娥元有藥
老桂又開花
對影心猶壯
觀花鬢未華
有懷瀛海客
直欲泛靈槎

題羅用和老人賜帛詩

天子嘉耆德
推恩及老成
霜紈題御賜
春綵拜親榮
寒谷初回暖
荒城未解兵
園黃豈終隱
微起見昇平

九日偕丘世傑俊賓吳文泰吳仲誠高崇德遊

石磬

蒼壁瀉飛瀑
虛亭看挂川
寒聲洒松雪
暝色帶蘿煙
銀

漢空中落玉虹巖際懸壯觀逢九日與子樂盤旋
登臨無好句猿鳥笑人來良友文皆傑諸生俊有才起
予詩迭和迎客菊初開喬木凋零盡日斜孤鶴回

九日謾興二首

佳節動高興憑陵翠巘孤山河千里異風雨滿城無松
下豺猶祭雲中雁自呼未能酬酩酊且復立斯須
矯矯雲間鵠悠悠溪上鷗蘆花兩岸雪楓葉一江秋客
路從飄泊浮生任去留幾時將鳳管拂袖過瀛洲

題洗耳亭

并序

泉遶青原山前琮琤鏡徹寒聲襲人山中人
枕流其間而作亭其上以洗耳名之鄉衮文
信公大書洗耳亭三字猶存

路入青原去停驂洗耳亭偶聞徵隱逸來此濯清冷問
法黃龍在吟詩白鶴聽巢由不可見松月滿窻櫺

讀書臺

并序

讀書臺一在永和鳳岡之陽鄉衮周文忠公

嘗讀書其上松陰鬱鬱盛夏常寒蓋廬陵擅
山水之勝斯臺又盡攬廬陵之勝也

曉上讀書臺臺高接上台書生燈火夢丞相衮衣來山
色看還近松陰掃不開倚闌吟眺處獨鶴暮飛回

白鷺洲

并序

洲綿亘吉州六七里江水分流縈迴此州宛
然金陵二水中分一洲之勢因以白鷺名之
丞相文忠公建書院其上種竹萬竿公